

宋詩拾遺

宋詩拾遺卷七目錄

宋 攄一首

薛 秉一首

章友直一首

顧 臨一首

張 揆一首

宋敏求一首

錢 藻一首

周 邠一首

陸蒙老八首

晏幾道六首

晁詠之四首

王 一首

王 鞏六首

錢 顗一首

李公麟二首

孔宗翰一首

楊壽祺一首

李 璪一首

朱 服二首

張 徽一首

趙仲藏一首

孔毅夫二首

俞紫芝五首

張 洵一首

鄭至道一首

尚用之三首

黃朴一首

李觀一首

趙彥珙一首

王子平一首

楊繪一首

鄧潤甫一首

蔡載五首

陳軒六首

陳誼一首

周燾一首

周諧一首

宋詩拾遺卷七

錢塘陳世隆彥高選輯

宋 龔孝

人鄉貢進士官至學士

和祖擇之九日招郡庠職事同登宜春臺詩韻  
登高佳節喜重來會客依隨五馬開帽落秋風隨意適  
杯迎露菊趣時催東籬幸有主人席絳帳那逢上客陪  
時李泰伯預也欲報君恩話歸去不妨尊酒論文才

薛 秉

紅蕖爛熳碧池香  
羅綺三千侍漢皇  
阿母暫來成底事  
茂陵宮樹已蒼蒼

章友直字

京兆人

和祖擇之咏震山巖彭徵君鈞臺詩韻

巖因更號震山居  
臺上猶存舊鈞磯  
一派滄浪真隱處  
澄清尚有濯塵衣

顧

臨字子敦會稽人官學士

題靜照堂

踏暑夏日長履霜冬日短  
乞詩賁新堂經年不辭緩  
虛

室莓苔青客衣塵上滿自矜非俗求容色長術術盈篋  
飽珠璣東歸春正暖靜照名已傳主人宜亦反

張 揆字文裕歷城人官侍郎

靜照堂

牛斗光芒下江山形勝中招提萬法本靜照一堂空花  
木含春意門庭話古風支郎乞詩什愧匪雅南工

宋敏求字次道 人官節推

靜照堂

叢林起新構燕坐水雲鄉本自禪心靜能令世界忘幙

花園畫永鍾梵度宵長歸祇新篇富龍紗映寶坊

錢 濬字純老和州人官知州

靜照堂

去年秀水拍橋深聞說幽堂綠可臨自愧塵埃 澤上  
空思瀟洒太湖陰經臺罷講吹紅燼齋鉢留生下翠禽  
應是禪機終息處不須此外覓雙林

周 邵字開祖錢唐人官太守

羞墓詩

當年一棄會稽侯大墓烟蕪鎖別愁惆悵不逢郎衣錦

至今粉骨尚含羞

陸蒙老字元光歸安人

會景亭

清入闌干酒易醒  
春風楊柳幾沙汀  
平波抵得瀟湘濶  
只欠峰螺數點青

披雲樓

城角危闌見海涯  
春風簾幕暖飄花  
雲烟斷處滄江濶  
一簇樓臺十萬家

月波樓

月移宮闕下銀潢碧轉闌千萬頃光我是水晶宮裏客  
倚樓猶是羨滄浪

宣公橋

當年倉卒倚鴻籌清白堪封萬戶侯陵谷已非家世遠  
畫樓依舊水東流

五柳橋

五柳先生倦折腰孤眠千載仰風標青衫令尹頭如雪  
不厭朝昏過此橋

金魚池

池上春風動白蘋  
池邊清淺見金鱗  
新波已縱游魚樂  
調笑江頭結網人

蘇小小墓

瑤臺歸去鶴空還  
一曲霓裳落世間  
秋雨幾番黃葉落  
朝雲更久到香山

羞墓

玉顏羞見錦衣侯  
草木烟村雨鏤愁  
不似田文門下客  
一貧一富不知羞

晏幾道  
字叔原  
元獻公暮年子

七夕

雲幕無波斗柄移  
鵲慵爲懶得橋  
遲若散精衛瑱河漢  
一水還應有盡時

晚春

一春無事又成空  
擁鼻微吟半醉中  
夾道桃花新過雨  
馬蹄無處避殘紅  
小白長紅又滿枝  
築毬場外好支頤  
春風自是人間客  
主管繁華得幾時

題司馬長卿畫像

擯鼻生涯一酒壚當年嗤笑欲何如窮通不屬兒曹意  
自有真人愛子虛

觀畫目送飛鴻手提白魚

眼看飛雁手携魚似是當年綺季徒仰羨知幾避矰繳  
俯嗟貧餽失江湖人間感緒聞詩語塵外高踪見畫圖  
三嘆繪毫精寫意暮冥傷泪兩踟躕

公儀招觀畫

初約看花花已盡重親閑客客應歡真花既不能長艷  
畫在霜紈更好看

晁詠之

字之道說之弟以廕入官後登進士除河中教授罷為京兆錄事以朝請郎奉祠榮福宮

初行山

靄靄初蒸雲落落欲墮石山深多晚花照水自紅碧  
漁艇入烟小松竹凌烟直西風漾碧波扁舟恣崎側  
客從北方來若遭世俗迫登臨雖夙願山川多未識  
渺蕩涉寒流躋攀並蒼壁捫蘿窺鳥道蹢躅窮人迹  
清泉洗塵心山鳥慣幽客逸興良未已日下千崖赤  
十載孫興公好具登山屐

見降羌感事

沙場尺箠致羗渾王陞朝趙雨露恩自笑百年家鳳闕  
一生腸斷國西門

杭州思歸

丘壑情無盡田園興有餘何當厭澤國不奈憶吾廬  
庭戶草應長江山木已疎何時整歸棹八月洞庭湖

題偉偃雙松老僧圖

雨松鬱蒼蒼天矯出奇峭儼然龍蛇姿勢欲排岩嶠老  
禪猶會心默坐觀萬竅我亦發深省倚檻一長嘯此興  
舍千古孰謂韋偃少

王

字晦叔

人官至執政謚文康

題回峰院

山勢欲壓海禪肩  
向北開魚龍腥不到  
日月影死來樹色  
秋擊出鐘聲浪荅  
回何期隨吏役暫  
得拂塵埃

王 鞏

齊山僧舍

竹密通幽境橫橋  
迤澗斜陰崖聳珪  
壁古蔓引龍蛇寺  
僻虛僧磬亭荒足  
兔置紫微今不見  
著意採黃花

肅相樓

百尺樓臺瞻故國九華山色倚晴眸  
定知真色傳千古  
杜牧文章在上頭

全州捲烟閣

長江紫村若練帶晴岫挿天如畫屏  
山青水秀兩奇絕  
道人對此開禪局紅塵一點飛不到  
舉手高可摩天星

湘山

斗嶺風吹草木香落階花雨送春忙  
從師遠借雲卷卧  
還我平生午枕涼  
蓮社緇黃常得伴鹿門妻子亦相將  
化身欲似河東柳更向山頭望故鄉

寄桂州張諫議和永叔

桂林太守幾時行  
汎汴桃花浪已騰  
目極雲陰低遠樹  
夜寒風急亂春燈  
衆鳴翡翠愁無限  
水宿鴛鴦冷不勝  
陽朔山前好峰巒  
為公憐愛萬千層

欣欣亭

清湘北郭崇崗路  
松竹年來定幾圍  
我亦臨淮築新宅  
與君萬里對柴扉

錢

顥字安道無錫人官御史

題爛柯山

春郊雜遝擁紅旌共訪仙踪嘯傲行雲徑直從深崦入  
石梁宛在半霄橫巖邊瑤圃新開出洞裡芝田舊種成  
羽客一枰無復見青山留得爛柯名

李公麟字伯時舒城人

春社

千尋古櫟笑聲中此日春風屬社公開眼已憐花壓帽  
放懷聊喜酒沾髯携刀割肉餘風在下瓦傳神俚俗同  
聞說已栽桃李往隔溪遙認淺深紅

小詩並畫卷奉送汾叟同年機宜奉議赴熙河

幕府

畫出離筵已愴神  
邨堪真別渭城春  
渭城柳色休相惱  
西出陽關有故人

孔宗翰

字周翰宣聖五十世孫人目為孔家小二郎熙寧中代蘇軾知密州官至侍郎

題壁

屈指從來十七年  
交親零落一潛然  
嬋娟再見中秋月  
依舊清輝照客眠

楊壽祺

將過益昌先寄馮允南使君

衮衮京華志氣低  
歸心長伴日輪西  
蒼頭白髮因新選  
明月清風思舊溪  
屈指光陰時節晚  
舉頭霄漢路歧迷  
巴陵太守應憐我  
準擬經過醉似泥

李琮字獻甫

和馮允南見寄

半生才命苦嗟殊  
肯更詩窮效聖俞  
清識豈期回顧盼  
嘉篇聊用借虛無  
鄉心歲月疑如夢  
官況塵埃直未奴  
聞道南充風物好  
未能歸去且狂圖

朱服字行中  
爲程人熙  
宣六年  
俞中榜登第  
仕至侍郎  
與東坡同貶

過廬州

昔年吳魏交兵處今日承平會府開沃壤欲包淮甸盡  
堅城猶抱蜀山來柳塘香水漲丹浦蘭若秋風教竹臺  
獨有無情原上草青青還入燒痕灰

元祐初蘇軾疏言臣竊見前若臺官論朱服不孝  
因疏乞外官宰相除服直龍圖閣知潤州服因人  
言反獲美命即此人也

元豐感事

冠帶橋門路雍容俊士閑微言尊垂垂小道屏間問禮

樂高千古詩書到百蠻斯文知未泯壁水尚如環

張

徽字

陳留人

書故三司副使陳公詩軸後

破錦囊開玉振金舍人胸次右丞心為時黜蓀衣冠藪  
與國丹青翰墨林慷慨似誰雙舞劍風流隨處一歌琴  
燕詒苦志追先烈子夏何須論淺深

趙仲藏

又作仲藏未知孰是曾為吾杭太守府志不載疑是號

福勝院

千騎踏清霜東遊古道塲雲籠山骨秀風引水聲長暖

日依稀暖寒花取次香後隨吹管急空谷答宮商

孔顏夫

藥名詩

野性常山野尤甘草舍中鉤簾隱卷栢障壁坐防風客  
土依雲竇流泉架木通行當歸老矣已逼白頭翁  
此地龍舒國池隍獸血餘木香多野菊石乳最宜魚古  
瓦松杉冷旱天麻叢跡題詩非杜若戕膩粉難書

俞紫芝號秀老與王荊公文

南澗月夕

華髮念秋晚青燈憐夜長  
香團菊花露寒著橘林霜  
月在北窓底人行南澗傍  
婆婆不知去身與世俱忘

旅中論懷

白浪紅塵二十春就中奔走費光陰  
有時俗事不稱意無限好山都上心  
一面琴為方外友數篇詩當寮中金  
曾須將爾同歸去家在碧溪烟樹深

詠草

滿目芊芊野渡頭不知若箇解忘憂  
細隨綠水侵離館遠帶斜陽過別洲  
金谷園中荒映月石頭城下碧連秋

行人悵望王孫去買斷金釵十二樓

歲杪山中

石亂雲深客到稀鵲和殘雪在高枝小軒日午貪濃睡  
門外春風過不知

松聲詩

萬壑搖蒼烟百灘度流水下有跨驢人蕭蕭吹凍  
耳一作醉

張洵

蒙亭倡和長句有序

嘉祐中經略吳公及即伏波嵒之左以為亭名蒙漕  
使李公師中記之而鏤于嵒之崖亭久埋廢記亦湮  
滅紹聖改元龍圖閣胡公宗回帥桂林憲使梁公出  
其家藏蒙亭記以觀由是知其亭之詳胡公斥基而  
新之遂為殊偉之雄觀

桂林山水冠衡湘蒙亭正在瀕水傍清流洄洑眩波光  
高崖古木爭蒼蒼下有菱荷滿橫塘面面風來面面香  
新詩一咏酒一觴爽氣渾如秋氣涼酒闌岩下踞胡牀  
汲泉煮茗沉烟長從容談笑聲琅琅水光山色增輝芒

東山蘭亭各一方風流兼追譏與王回頭塵事皆茫茫  
為計不若行樂良恨我到此情難忘遙指白雲思故鄉  
鄭至道

劉阮洞

採藥歸來世代賒洞門方此埽烟霞碧桃清泚弄明月  
翠嶠高低飄落花芳草已迷當日路白雲空想舊人家  
自慙不是浮觴侶漫向人前醉帽斜

尚用之

和張洵蒙泉詩韻

江亭勝概冠三湘仁智所樂皆其旁翠岫俯映青羅光  
上有喬木摩穹蒼亭下川遊覆銀塘水面風來笑語香  
騷人相值喜飛觴雄辨清談五月涼飲餘相與坐方牀  
論文日暮興何長佳篇疾讀韻琅琅直疑星斗煥光芒  
格高調古說竒方况復筆法追二王事業無窮歎茫茫  
丹鉛點勘策非良與公致道心可忘浩歌直造無何鄉

依楊益老韻賦曾公岩

當暑都忘畏赫曦遊觀邂逅得心期咸其自爾從天造  
賁以人為特地竒風露乍涼秋至後林巒散影月明時

朱幡好事留佳客大醉高岩許鎮隨

留題雉山

座下聞經本至誠改頭易面悟前身信知大道無難事  
一念真如雉化人

黃朴

玉泉

水性能方圓泉色常瑤壁雲山靜有輝瓊液來無迹泉  
上修禪人曹溪分一滴鑑止更澄源紛紛萬緣息

李

觀字彥禮南陽人著有退居類稿皇祐續稿

虎跑泉

虎跑本何為彼將對以臆有如大丈夫卓爾抱剛直盜  
泉既不飲饒人亦不食勇氣無所泄爪地成道蹟地神  
嘉乃誠水源亦如聞尋常竊六畜夜傍人牆壁是與豺  
類同聞此宜慚色

趙彥珣

潢河

潢河繞出郡城樓樓枕潢南城上頭天闊星連翼軫分  
地長川帶漢江流

王子平

送橄欖於山谷

方懷味諫軒中果忽見金盤橄欖來想共餘甘有瓜葛  
苦中真味晚方回

楊

繪字元素綿竹人登進士第  
神宗時知諫院改兼侍讀

送瀉用長老歸邛州

曾扣禪扉喜接陪師將境物論輪迴燈籠不滅心中火  
香印空殘死後灰綿邑難留真錫駐臨邛還度法堂開  
臨邛綿邑何分別無去無來無去來

鄧潤甫

字溫伯建昌人別字聖求第進士累知制誥翰林學士進承旨歷尚書右丞卒謚安惠

道中咏懷奉寄利州允南使君

交印夔人國分襟汴水堤十年難會合一步頓乖睽官  
序潘生詘詩文庾信齊諸公多汲引憲府屢提携不肯  
乘驄馬那能出寶雞安恬輕世味洒落見天倪照物聰  
明決為邦闡望躋笑談清岸獄暇豫勸耕犁不忍為鉤  
距何嘗設町畦燕堂傳夜燭遊轂碾春泥眾服題鸚鵡  
疇將食馱馱草黃思隼擊梧碧值鸞棲欲問無來使開  
編有舊題君方安玉壘予亦遠金閨地隔江波濶書傳

鳥翼稽宜知雙髻白相見兩當西內顧微他技殊私牧  
遠黎辭親愁不斷叱馭意空迷吳苑飛雲杳春城北斗  
低南山千里雪劒閣萬盤溪夜宿星邊驛朝行石上磯  
深疑窺地軸高駭躡天梯看岫時歌帽聽泉或杖藜蕭  
蕭黃葉下裊裊吟猿啼蜀道無艱險人心慢慘悽永懷  
持杖康遙想綴朝圭直北瞻天日征西疊鼓聲相期郡  
齋冷渚話看揮犀

蔡

載

字天任潤州人天啟之弟元豈進士嘗為晉陵簿尋以薦改承事郎

題錢仲仲大夫漆塘村四亭

遂初亭

結廬傍林泉偶與初心期佳處時自領未應魚鳥知

望雲亭

一作遠雲亭

白雲來何時英英冠山椒西風莫吹去使我心搖搖

芳美亭

高人不惜地自種無邊春莫隨流水去恐汙世間塵

通惠亭

鑿地涌泉與惠山泉同味故名

水行天地間萬派同一指胡為穿石來要洗巢由耳

題膠山寺繡佛

妙相奪天真針針巧入神幾多瞻佛者還想用心人

陳

軒字元與建陽人元豐間知汀州後至龍圖閣

蒼玉洞

在長汀縣東  
東禪寺下

截斷蒼山百尺崖崢嶸相倚洞門開天生祇隔紅塵路  
不礙浮雲自往來

袈裟泉

在長汀縣西法林院陳與郭  
偁于泉烹茗聯吟改名新泉

逕石無聲下無穴停之不盈酌不竭銀瓶送響落清甃  
鏡奩破碎冰壺裂

南樓

即慈濟閣  
在長汀縣

誰跨崇塘更起樓  
捲簾平視四山頭  
田間草煖牛呼犢  
葉底巢成鶻避鳩

雲驤閣

一名集景閣在汀州府城上

瓦流雙澗合簾壓亂山青  
佛剎蟠深崦漁棹散晚汀

蒼玉亭

在汀州府蒼玉洞

我愛汀州好山川  
秀所鍾閣前橫滴水亭畔列奇松

泛清溪

晚烟如練曳平津  
一棹東風兩岸春  
島鷺沙鷗休戀我  
北堂歸有白頭親

陳

誼號宜翁  
廣東提舉常平官  
移江西  
人元豐間為

題黃山溫泉

山有靈砂石色紅  
滌除身垢信成功  
不除心上無明業  
只與山間眾水同

周 燾

遊天竺觀激水

拳石蒼婆色  
兩青竹龍驅水轉  
山鳴夜來不見跳  
珠碎  
疑是簷間滴雨聲

周

誼字希聖  
開之尤溪人  
熙寧間知新會縣

寄子弟詩

希聖在官不肯奉  
行新法故寄此詩

浪有虛名落世間  
自慙無實骨毛寒  
末年三十身先倦  
才得一官心已闌  
卜宅擬尋栽藥圃  
買田宜近釣魚灘  
他年子弟重相見  
藜杖蓑衣筍箨冠

宋詩拾遺卷八目錄

畢公信 二首

李之純 一首

祝 鐸 二首

許 遵 一首

史正志 二首

劉李孫 一首

葛 鄂 一首

陸 說 一首

陳 一首

呂希哲 三首

薛巨源 二首

吳澗所 二首

黃公度 一首

賈 收 一首

鍾 仙 一首

趙 翫 之一首

俞汝尚 五首

趙士揆 一首

王佐才 七首

韓 琮 一首

王巖叟 四首

趙 槩 二首

蒲宗孟 三首

梁盛節 一首

韓

維五首

李景適一首

鮑

由二首

陳

造二首

鄭協二首

陳

倩一首

宋詩拾遺卷八

錢塘陳世隆彥高選輯

畢公信

環翠堂

羣山閤設險，高屋照多陰。晴嵐度丘壑，疎翠上衣襟。

環碧堂

方塘納霽景，一碧共晴寒。微波生來息，人意亦平寬。

李之純

字純字  
士累官  
成都路  
轉運使  
進

西園辨蘭亭和韻

綠葉纖長間紫莖  
蜀人未始以蘭名  
有時只怪香盈室  
此日方傳譽滿城  
恩意和風揚馥郁  
光榮灝露滴清英  
庭階若不逢精鑒  
何異深林靜處生

祝

鑄字

蒼山人

鈔庭觀

石磴飛橋轉古壇  
鐘聲敲斷水雲寒  
道人不再誇槃鼎  
自得心傳養內丹  
風雨連山松竹鳴  
宦途牢落若為情  
中宵嘹唳驚殘夢  
疑是雲和重度聲

許

遵

字仲塗泗州人  
熙寧中進士

遊風水二洞

水洞連風洞精藍兩洞前山高易藏日樹老不知年板

有華宗刻

此指許遵  
舊蹟而言

名留少傳篇烟波門外境寂寞變

桑田

史正志

新亭

龍蟠虎踞阻江流割劇由來始仲謀從此但誇佳麗地

那知西北有神州

忽枉王人六轡馳  
新亭有酒便同持  
坐中不作南冠歎  
江左夷吾有素期

劉季孫

寄蘓內翰

倦壓鰲頭請左符  
笑尋穎尾為西湖  
二三賢守去非遠  
六一清風今不孤  
四海共知霜鬢滿  
重陽曾插菊花無  
衆星堂上誰先到  
欲罄金尊倒玉壺

葛 郭

留友人

良友久間濶春事遽如許勞君下鷗沙一葉繫春渚昨  
夢墜前山再見欣欲舞聊呼花底杯酒面點紅雨狂歌  
謝貫珠清論雜揮麈驪駒未可歌妙句須君吐

陸

誥字介夫餘杭人

興安乳洞

深沈三洞啟真都萬乳千葩狀絕殊馳驛方朝金闕去  
滌塵來飲碧琳腴

陳

湘山寺

自笑文書度日忙，拂纓時亦為徜徉。  
禪窓翠擁琅玕淨，茶罷心清一縷香。

呂希哲 字原明，申公著子。以任入官，薦為崇政殿說書，歷直秘閣，知曹州，入崇政，為崇政殿

經筵大雪不罷講二首

水晶宮殿玉花零，點綴宮槐卧素屏。  
特勅下簾延墨客，不因風雪廢談經。

強記師承古道先，無窮新意出陳編。  
一言有補天顏動，全勝三軍賀凱旋。

贈邵堯夫先生

先生不是閑閑人高趣逍遙混世塵得志須為天下雨  
放懷聊占洛陽春家無甌石賓常滿論晰錙銖意始新  
任使終身卧安樂一毫何費養天真

薛巨源

字泉心

重登神山寺

空緣如可悟心境亦開蓮法已崇蕭帝山曾住葛仙尋  
僧叩雲屋觀世說桑田却喜重来此逍遙恍外天

送林良輔

事了却閑時辭官豈厭微笑人持酒別留休換琴歸亭  
柳春迎馬溪雲雨滿衣行程休記日花眼醉芳菲

吳澗所字

永嘉人

### 趙宰別業

幾樹柳陰合空階一半遮破琴長在壁老鶴不離家客  
至時供茗官閒吏管花有時成獨步門外看蜂衙

### 過盤山

盤迴六七里天色冷颼颼石壁無平地山雲隔遠洲清  
茄悲送日老辛病眠秋行望酒家出青山映碧流

### 黃公度

湧嶺

山迤寒雲斷天隨暮靄低  
稻畦迷上下樵徑自東西

賈 收字耘老吳興人

題有美堂

自刊宸畫入雲端神物應須護翠巒  
吳越不藏千里色斗牛常占一天寒  
四簷望盡回頭嬾萬象搜求下筆難  
誰信靜中疎拙意畧無踪跡到波瀾

鍾

佃字少游龍南人元豐間進士官至龍圖閣學士

龍南玉石巖

萬石結叢林，縈迴鳥道深。  
山高雲漠漠，洞古綠陰陰。  
擁此龍篆崖，懸鐘鼓音不須愁。  
日暮勝景且追尋。

趙顓之

春日

拂牀倚枕畫初長，好夢驚回燕語忙。  
深竹有花人不見，直應風轉得幽香。

俞汝尚

字退翁，吳興人。慶曆二年進士。熙寧初召為御史，尋老而致仕。號溪堂居士。

夏日閑居

無人到窮巷，長日守閑居。  
宿火惟烘藥，新

一作晴。暎曉喜。

書鄰翁伴村酒稚子課園蔬門外蒿萊地泥深不用鋤

久客

久客西城裏人家似舊鄰衆知趨事懶僧厭打門頻倦  
枕費疑牕竹一作燭開書破硯塵陰晴消白日門巷忽青春

東山招復古

聞道廣文客東來欲載書志勤甘淡薄情舊免生疎野  
飯多無菜羹或有魚小心新買得且遂帶經鋤

題三角亭

奇哉山中人來此池上字蕙徑斜映帶林煙盡吞吐春  
無四面花夜久一簷雨寄做足有餘何須存一作尋廣廡

過淮陰侯廟

當時謀戰不謀安將將

一作衆

多多是禍端萬壘在前攻

掠易四方無事保全難曉堂鐘鼓修淮祝古壁旌旗擁  
漢官天下息肩兵革定一瞻祠宇一長歎

趙士揆

登天清閣

夕陽低盡已西紅百尺樓高萬里風白髮年年何處得

只應多在倚欄中

王

字佐才

劉帥畫道林冬景

破墨方紈趣向深  
烟巒幽景鎖冬陰  
溪頭雪細春生牖  
岩脚風清畫滿襟  
千里斷雲藏片石  
一江流水映疎林  
長沙妙跡誰傳寶  
龍閣精神學士心

答秦兵部求墨竹

夜到茆亭近竹蘿  
影隨寒月下苔墀  
吟餘未懶蕭疎興  
曾寫離披一兩枝

墨傳高節未為精  
虛辱佳篇拂素屏  
不敢持毫強羞縮  
喜公心已厭丹青

贈徐徵中畫龍

陰陽變化萬物從  
其間至神惟真龍  
庸夫俗眼不得見  
或躍或潛無定跡  
後來高士探元窟  
素縑摹畫求形容  
在昔擅名能幾人  
爭為妍巧誇殊功  
東胸徐氏奮竒趣  
俊筆醉揮欺古風  
為余好事輒寫哥  
老鱗蒼鬣驚盲聾  
怒搏滄海噴白浪  
暗拖暮雨橫長空  
雙雙頭角戰初罷  
奔騰半沒寒雲中  
只恐霹靂生坐上  
爪牙活動擎衆穹

軒昂當世稱獨步貴臣褒譽聞宸聰黃金扇成爭進入  
雄聲一日喧深宮從此毫端愈珍重千歲萬歲傳無窮

畫虎

炳毛威骨白精神好祝提毫點刷人縱使不成猶勝狗  
休添角翼亂天真

贈曇潤畫鵝

飲啄飛鳴各後先當時操筆想中傳生來野態無拘束  
萬里秋風自在天

贈徐子虛畫魚

我嘗放意遊江湖喜從釣史觀真魚有時臨溪行復坐  
秋水無風魚自如鱗鱗鬣滑隨上下回旋戲躍形皆殊  
兩兩相逢若對話聚頭戢戢搖雙鬚忽然散漫背遊去  
一半掉尾潛菰蒲往來得所弄晴色圓波觸動生浮珠  
困依垂楊看不足盡日忘歸誰與俱自從北走塵土窟  
十年不復瞻蓴鱸憑誰畫出江湖趣東海今聞徐子虛  
毫端奪得生時意京師好事爭傳摹寫成雙幅輒遺我  
展舒活動驚堂隅窮搜前古少奇筆此本只恐人間無  
任教涸轍強濡沫對面相忘千里書

韓

琮字仲文  
官至戶部侍郎人

香山寺

信馬盤桓上碧宮  
雲埋松翠梵王宮  
老僧細說禪機話  
深會菩提色即空

王巖叟

字彥霖大名清平人鄉與省試廷對  
皆第一累官端明殿學士出知鄭州

和公齊臨替有感見寄

孤宦遑城遇衆賢  
及瓜能不動依然  
風號古木葉堆地  
雲攬遙山水拍天  
籬菊開時寒有信  
賓鴻過後暑無權  
古今惜別君須念  
乘暇何妨到酒船

揚州感舊

隱隱蘼城枕碧流，繁華曾是帝王州。  
一聲水調滿明月，十里春風半畫樓。  
白鳥不離圖上去，江雲疑當長在鑑  
中遊。廢興屈指千年事，何異行人寄傳郵。

望釣臺

桐江快人眼，江水綠于苔。  
一棹中流去，千山兩岸來。  
風搖黃葉落，潮捲白沙開。  
欲問嚴陵事，雲中望釣臺。

延慶寺

龍影涵潭寺已空，惟餘翠竹混清松。  
路窮西北無他景，

趙

際字叔平  
虞城人

挽老蘓先生

稱味樂城舊

唐相味道  
樂城人也

潛光谷口棲雄文聯組繡高論

吐虹霓遽忽悲丹旆無因祀碧雞徒嗟太丘德位不至

公圭

侍從推詞伯君王問子虛早通金匱學晚就曲臺書露  
注時難駐琴亡韻亦踈城孫知有後里閑待高車

蒲宗孟

字傳正新井人皇祐  
中進士官至學士

虎丘寺

長松遶步水灣環寺據吳王冢墓間瘦石千層開碧玉  
疎簾十里裹青山壁從地上蘄巖起雲出門前自在閒  
零落生公講臺下無人說法但空還

送玉岩歸鄉

收書萬卷日沈酣鮑謝篇章老更耽不雜紅塵來海上  
却隨明月入江南家無四壁堪投足郡有千山可結菴  
遙想蘋溪風雨夜與誰揮麈共清談

汝陽菴中懷行先

幽懷暮岑寂結菴在中林綠竹君子操清池故人心明

月弄寒影好風搖翠陰江南千里遠何處盍朋簪  
梁盛節

送玉岩應詔

丹山有靈鳳不飛亦不鳴雍容覽堯德徘徊來舜庭寂  
寞梧桐冷響絕朝陽明聖賢不出世出必為蒼生

韓

維字持國

人官侍郎

秀州携李亭

雲水浩無極茲亭安在哉傳名落人間猶使塵抱閤昔  
為兵戈地今以遊觀來物變未始窮千年一浮埃何時

江山秀曠然當酒杯

柘湖

鬻鬯淪此地柘山歸其瀕復驚秦時女化作湖上神世  
事善反覆孰能識涯津物變雖萬殊不惑固有入

秦始皇馳道

秦皇馳竒觀不憚阻且修萬里走轍迹八荒開園遊勞  
歌久已息遺築今尚留千載威靈盡驪山空古丘

陸瑁養魚池

林塘豈如昔尚想昔時居秋草自鳴鶴寒波猶戲魚紛

絃鉤餌底瑣碎刀匕餘任公有奇術默坐歲幾除

題靜照堂

道人幽棲地瀟洒臨江湖江湖置外物妙觀造無餘  
匆從世役沒沒徒為愚何況毫髮間計畫窮萬殊  
檻外簷菊林几前沉水爐世人欲問道指象聊躊躇

李景道

躍馬泉

南山突兀橫青空鹿豕禽魚得所宮脩鱗于此亦養德  
光怪夜發山川紅風雲變化事已矣獨有崕嶠留餘雄

至今山泉脉四溢噴薄聲撼枯枏楓填然下與石壁會  
萬斛一竅投雲中跳珠散玉虎鬚怒烈日不照霜雪融  
前賢作亭久已廢後俗為樊詞相蒙匡廬老禪來立錫  
攝衣思見前賢風乃將爐峯三峽眼坎井聊視海若同  
搜竒別怪勇興創我為一洗學古胸叱問萬狀伏草獸  
飛出百尺經天虹桃花亂流春態度明月淨寫秋形容  
豈無白蛟尚蟠蟄靈犀不燬無由通平生赤手攬鯨鯨  
長缺自笑遺崆峒邇來但餘觀水志每到勝處難藏鋒  
欲借天瓢添半水醉騎赤鯉訪龍公

鮑

由一名慎由字欽止龍泉人元祐六年進士累遷工部員外郎歷知明海二州有夷白堂小集

雨餘

礎潤雨欲作好風每相先蕭蕭清入簾令我心灑然閉  
門倦永夏枕書日昏眠快此風雨餘端如濯飛泉山  
有佳趣草木更幽妍井華養文石香篆橫雲煙俯仰方  
丈間勝事亦可憐永懷觸熱子我勞良獨賢

讀漢書

漢公事業比阿衡純用詩書致太平他日何人頌功德  
至今嘲笑亦諸生

陳造

望夫山

亭亭碧山椒，依約凝黛立。何年蕩子婦，登此望行役。君  
行斷音信，妾恨無路極。堅誠不磨滅，化作山上石。烟悲  
復雲慘，髣髴見精魄。野花徒自好，江月為誰白。亦知江  
南與江北，紅樓無處無。傾國妾身為石，良不惜。君心如  
石，那可得。

雄觀亭

大江來東南，旁受衆壑輸。下驛峽門窄，積水陡下百尺。

餘勢如千鼓，駢萬馬。閭閻嚙，威崩騰，排軋爭危塗，燥礮  
賴是作齟齬。不然，頽沙裂岸，寧復通舳艫。霜暗似竭天  
兩鏡，瞥眼浪濤相吞屠。不知河伯窟宅，託何所。只應蛟  
鱷跋扈，無寧居陰晴明晦，何限景。付與沙鷗浦。綸竿  
夫令君作亭，攬其要豁。然眼界了江湖，我昔暫登攬。詩  
瓢與酒壺，寒聲隱隱撼窓戶。綠霧噴噴，喚擅曉浦。吳樯楚  
柁，亂秋葉蜚山湧海峇。座隅淮山，千髻更在洪濤外。昏  
烟淡日時，有無崑陽勝負等。蠻觸魏中之梁，直鎔銖人  
生紅塵中局。縮轅下駒安得李成王，寧不死俱在眼水。

墨揮灑丹青摹江山千里八卷軸從此不數元圃昆喬  
圖

鄭協

錢塘晚望

錢塘江上夜潮過秋靜寒烟白露多吳越青山明月裏  
舟人齊唱異鄉歌

年年如燕一還家又訪幽居過水涯風雨滿城春欲暮  
山中猶有碧桃花

陳倩

遊曾公崑

源流曾繼孔門賢  
姓氏今題洞穴間  
傳說功高傳岩野  
謝安名著謝公山  
激泉救旱為霖雨  
磨石書勲破海蠻  
應共白雲同一意  
帝鄉歸去未能還

宋詩拾遺卷九目錄

李

端一首

呂大防三首

劉 宰

四首

郭三益

四首

趙挺之一首

賈成之

一首

葉原賀

一首

呂大臨二首

李

一首

曹亨伯

一首

楊 志一首

周 燾

一首

范祖禹

四首

張 七首

廖德明

一首

甘叔異

一首

張志道二首

孔 夷

一首

郭 仁

三首

呂大鈞一首

任 詔

一首

閻欽受

一首

胡 曾一首

季 咸

一首

李希聲一首

傅占衡一首

陸煥一首

徐嘉言一首

龔順正三首

趙希融一首

林顏四首

趙清源一首

薛師董三首

楊道孚一首

王公韶一首

寇國寶一首

練陟二首

張燾一首

汪萃三首

葉濤一首

張問一首

鄧忠臣一首

張譽一首

宋詩拾遺卷九

錢塘陳世隆彥高選輯

李端

合澗泉

碧水映丹霞  
濺濺度淺沙  
暗通山下草  
流出洞中花  
素色和雲落  
喧聲遠日斜  
明朝更尋去  
應到阮郎家

呂大防

題西園辨蘭亭

亭為大防所作並自作記有云蜀有草如護紫莖而

黃葉謂之石蟬楚人皆以為蘭迺為小亭種于其旁  
而名之曰辨蘭無使楚人獨識其真

手種叢蘭對小亭辛勤為訪正嘉名終身服佩騷人宅  
舉國傳香楚子城削玉紫芽凌臘雪貫硃紅露綴春英  
若非郢客相開示幾被方言誤一生

### 萬里橋

萬里橋西萬里亭錦江春漲與堤平  
擎舟直入修篁裏坐聽風湍徹骨清

### 送朱壽昌迎母東歸詩

去年謫守豫章南楚岸方舟鷁首銜君便得親誇綵服  
我方違養苦征帆春來重到青山郭膝下同榮綺衫  
尤愛中條更相類板輿時可到西巖

劉宰

題王荊公半山圖

歸來心事平蹇驢踏秋風舉鞭問驛奴何如浣花翁道  
傍幾高松風來自相語桃李今何之歲寒予與汝

漫堂晚望

霽色催雲作晚霞小橋却立岸烏紗雨餘菱芡新抽葉

秋早菰蒲未著花燈影微茫行客艇鐘聲縹渺梵王家  
沉吟索句輸公等我欲臨流理釣槎

送洪季陽分教橫州兼呈丁帥

仕有為貧難擇地志將及物要乘時青衫入手南中去  
此意唯應我輩知

五百人中占上游四千里外客諸侯南中賴有賢方伯  
處我應須勝自謀

郭三益

字慎求海鹽人元祐  
三年進士官樞密使

題紫箨山廣陵院

羲和均四時曜靈有急節沈迷簿領書坐數春事歇及  
茲新雨收西郊輟初發蒼頑山氣佳奔悍溪流活風驚  
麥翻浪水淨秧抽髮漸窮蕭寺迷頓使煩襟豁蜂喧釀  
蜜翅鳥落啼林血高僧日無事種植畦畝潤綠苗已紆  
紆紫花行復結吾欲訪長生終歲期採擷

題天台寒巖

道人棲碧山雲歸在空曲十年海潮音外物緣已熟時  
携貝葉書步入深林讀宵眠護神虎晝引穿花鹿庵中  
三昧語藥我貪癡毒何當脫雙鳧藜杖追高躅

題南山寺

洗光朝日上旋旋瑞色分臨此地先門迴帆收江市密  
山深龍卧海潭圓淨然柏子聽幽偈閒立苔痕問小禪  
莫訝潮平歸渡晚斯遊有意已三年

題南岳

古木陰森梵帝家簾泉一酌試新芽官符星火催春焙  
却使山僧怨白蛇

趙挺之

字正夫諸城人通判德  
州哲宗即位賜進士

朱樸天和堂

華亭山谷佳秀色宛如畫前賢有遺跡卜築候耒耜高  
人養天和放浪寄林野安知歲月徂但喜名利捨傳家  
得之子流輩推博雅春風振客衣逸豫東南下賦詩臺  
閣彥落筆珠璣瀉持觴拜親膝喜色動鄉社都城十二  
衢塵土翳車馬一夢迓君行茲懷已瀟灑

賈成之

橫浦

橫槎三月江如束風浪縈紆接天綠郡樓新創插雲飛  
盡日江山對雙目

葉原賀

白石山

雲梯連石磴香樹鎖松關林壑疑無路神仙別有山

呂大臨

字晦字  
人受學  
京兆  
程張  
之門  
田縣

北郊

村北磽田久廢耕試投嘉穀望秋成  
天時地力難前料萬粒須期一粒成

送劉戶曹

學如元凱方成癖文似相如反類俳  
獨立孔門無一事

唯傳顏氏得心齋

李

字層仲

題自畫蘆雁

晚來無事理扁舟  
喚起騷人漫浪愁  
過眼飛鴻三兩字  
淡烟寒日荻花秋

曹亨伯

潯州行部

冬來行部駕輶車  
一日之間氣候殊  
朝服駝裘暮揮扇  
未應嵐瘴得全無

楊志

綺川亭

一泓綠淨滄浪水  
千朵紅稠菡萏花  
病眼紛紛何所似  
江天落日散餘霞

周壽

題金粟寺

清池滌蒼巖  
結構俯林麓  
扶疎竹外山  
相向隔羅幃  
老禪謝人境  
歲晚收白足  
誰聆梵然音  
息影尚爭遯  
道場作十劫  
不愧桑下宿  
定中觀潮汐  
絕事心已熟

范祖禹

字滔夫鎮之從孫歷官  
諫議大夫翰林學士

多病

多病心牢落驚

一作經

秋鬢颯然風乾桐葉地雨冷菊花

天舊隱荒江漢新居俯澗涯西都長夢想何日賦歸田

月夜船行入資州

憶昨卧碧山蒼蒼叢桂間白雲為屏石為枕綠蘿長掛  
明月間忽乘輕舟泛江水山月隨人還在此白鷺驚飛  
宿靄間青山倒卧蒼江底此時孤棹發中流川后停波  
聽棹謳不學子猷中夜返欲乘明月向資州

資中

熙壇高倚碧天開，中有清都白玉臺。  
霧擁霓旌乘月去，風吹仙樂下天來。

資州路東津寺

山行無晨暮，日暝崖谷昏。  
哀猿落客淚，永路驚旅魂。  
憑陵高山巔，俯視大江奔。  
迴環島嶼合，縈轉洲渚屯。  
行雲赴楚天，炎一作飛鳥下蜀門。  
地遐恠物聚，寺古深殿存。  
憶昔李氏末，烟塵暗中原。  
奸雄競草竊，割據窮海根。  
干戈百年後，見此敗屋垣。  
我來屬清秋，登覽無俗喧。  
山深虎

豹歸水靜蛇鼃蹇臨風獨嘯叱浩蕩欲飛翮

張

字子元

次韻何文鎮墨梅二絕

偃蹇江頭卧夕陽懶將玉雪聞春妍心期老氏能知白  
興寄楊雄獨守元

仙衣雲樣拂輕縑林下神情特地宜妬婦津頭風恐急  
壞妝聊為變冰姿

墨梅三絕

筆端喚醒玉梅魂滿袖春風不見痕未許捲簾新月上

却教烟雨惱黃昏

憶昨江湖倒載歸  
暗香夾路雨霏微  
誰人說得春風景  
遠看如烟近却非

逸少池邊發興新  
管城別作一家春  
臨風玉笛無人會  
鬢髮空歸想太真

次韻秦會之題墨梅二首

南枝春色弄微溫  
記得清香撲酒樽  
今日相逢隔煙霧  
揚州殘夢是銷魂

長愛孤標似君子  
不禁橫竹巧擠排  
短幅離離乃遺像

至今寒蝶誤飛來

廖德明

營林郡城

荒烟漠漠江上往事悠悠古戍孤春到偏臨青草渡  
夢中猶記白鷗湖

甘叔異

鵝翎山

一白  
娥英

俗謂鵝翎未必然娥英恐是古時傳溪聲流盡蒼梧泪  
班竹林中聞杜鵑

張志道

白石山

山似遊龍勢欲奔  
山中有路透天閭  
峰巒常帶烟霞色  
洞穴渾無斧鑿痕

西湖懷古

荷花桂子不勝悲  
江介繁華異昔時  
天目山來孤鳳歇  
海門潮去六龍移  
賈充誤國終無策  
庾信哀時尚有詞  
莫向中原誇絕景  
西湖恨是西施

孔夷

元祐中隱士字方平號漁翁先生劉劭韓維之畏友也

贈閔子淵

吳越聲飛二十年，緇衣空復歎遺編。  
紫芝眉宇風塵外，太白文章錦繡前。  
可是石渠方載筆，未應水國要歸田。  
他年雪裏相逢處，能記騎驢孟浩然。

郭

仁字東之，始遷海鹽，封忠肅大夫。

分菊

小畦香雨碧飈飈，分得新苗旋作籬。  
為待繁英供採掇，故尋異本闢芳奇。  
野人自愛編青障，老圃先教擁綠泥。  
濁酒預拚重九約，狂風莫損最高枝。

村居

移家楊柳灣小築田家塢一窗春雨晴滿地菜花吐

薇山書室為朱惟節賦

幽意曠何許逃名東海傍卜隣惟拜石覽勝不齋糧  
散蘭亭近書探禹穴忙紫薇山畔月流照有餘光

呂大鈞

曾點

函丈從容問且酬展才無不至諸侯可憐曾點推鳴珮  
獨對春風咏不休

任詔

永井

驅車出東門弭節訪永井寺古棟宇傾碑折苔蘚屏源  
泉池中生瑩淨可鑑影命僧旋汲之入口勝霜冷試烹  
白雲茶碗面雪花映清冷滌煩襟潤澤勞胼皸可以濯  
我纓悠然脫塵境

閻欽受

宿蒙梁高唐館

借問襄王安在哉山川此地勝陽臺今朝寓宿高唐館

神女何曾入夢來

胡曾

虞姬

拔山力盡霸圖隳，倚劍長歌不遯歸。  
明月滿營天似水，那堪回首別虞姬。

季咸

均慶寺

一方靈跡兩峰間，左右芒山與礪山。  
勝地昔曾鍾王氣，高僧誰此掩禪關。  
暈飛巍殿烟靄碧，翠削層崖苔蘚斑。

千古英雄無處問  
巔頭依舊白雲閑

李希聲

雍丘懷古

雍丘西風鼓戰塵  
令狐抵死撓張巡  
面當六矢無降色  
驚訝雷公是木人

傅占衡

洗墨池用靈運韻

風懷掃白石皎皎惡塵栖  
抱瑟搖古木拏舟響遠谿  
窮勝無逸軌躡影乏連隄  
陟嶽愜心往尋烟蓄思迷  
春草

沒荒塗園柳蕪故蹊芙蓉初日散猿狖竟夜啼惆悵羊  
何侶緬邈惠連攜寒山悅幽桂經臺變新萋晚吟寄高  
志前史多曲排悠悠墨池賞丹崖徒可梯

陸 煥

大慈寺

天下紛紛吹戰塵我來佛隴悟修身依然猿鶴如相識  
知是山中幾世人

徐嘉言字

西安人

金粟寺和韻

招提敞山岩新菴隱蒼麓石沼引清流風漪皺文縠晴  
暉滿虛室一水令自足心明身晏閒境寂誰尋迹寒林  
帶月行夜榻和雲宿若欲問西來一齋飽秋熟

龔頤正字

湖廣人

陳山龍君祠迎享送神曲

海波淵淪兮海山龍旋其下潛通兮君之宮時思其母  
兮來春容菖葉生兮杏蒂融君之來兮雷隆隆雨我田  
兮秋芄芃我之懷兮無初終

君稅駕兮芬陽斯陳鼓鍾廣享兮列鼎重茵君之宮兮

屯雲蕙有蒸兮芬兮我黍我稌兮抑亦薦其萍兮君明  
其衷兮無吐芳新

吹洞簫兮望極浦君之歸兮雲在下土十風兮五雨祐  
我海邦兮汙萊斥鹵君不來兮使吾心苦千秋萬歲兮  
為民所怙

趙希融字

長樂人

賦玉岩

君不見陶令門前栽五柳聊為折腰辭五斗歸來三徑  
足歡娛琴書得趣人誰有又不見靖和卜築臨西湖湖

山勝景天下無至今疎影橫斜句人與梅花共清癯古  
來逸士皆如此一節純全能終始三歎古風挽莫回幸  
有玉岩人足比二十餘年養浩深厭居朝市入山林此  
身出處無非道憂世誰知一寸心愧予朱墨塵埃裏恨  
不巖前濯清泚想像入室芝蘭馨有清廟遺音美聞  
說當年贈監書蒲公之見特其粗要知命義吾儒事願  
學同遊周邵蘓

林

顏字

福清人知處州

賦贈玉岩

人在通天第幾岩  
玉岩形勝最潭潭  
三鍾據臂適吾樂  
五斗折腰真爾慙  
漫浪著書耐素志  
逍遙齊物載清談  
超然此道人知少  
今日先生為指南

萬卷收書肯為貧  
長年石室謝紛紜  
冥鴻有志難尋跡  
望鹿無心不出群  
拔俗風標清似水  
視人富貴薄于雲  
栖臣欲強東山起  
只恐東山未放君

贈玉岩二絕

一童一鹿自相隨  
不覺山間笋蕨肥  
看盡榮枯彈指  
燒痕青處認春歸

瞥然飛電 雙瞳短褐長條如瘦松  
白玉岩中無一事  
為君題作玉岩翁

趙清源

天台石梁

何處覓雲跡 天台第一峰  
雲深惟見寺 夜靜忽聞鐘  
卓錫隨飛鶴 談元起蟄龍  
石橋如有約 跨月坐從容

薛師董

字子舒號敬亭永嘉人

秋風

秋風有落枝 天籟動埏埴  
鼓角山河壯 襟懷歲月遲  
阮

生狂一嘯漢武老多悲雖有秦歌激終堪理釣絲

後秋風

去年病後詠秋風今日秋風病裏逢  
好句不曾書落葉孤燈長自守鳴蛩  
故人音問天來遠茅舍光陰睡正濃  
江上白鷗忙勝我啣魚引子與潮衝

酬外湖樓詩

小雨潤蔬莢涼風展梧影雲連沙際白  
天開數峯淨湖樓百尺高坐覺秋日永  
寬鋤十畝園餘事一笑領荷枯水却清  
桂晚霜未冷誰能悲寒蛩聊忻小蛙通  
飽客新

荳蒢駕我雙舡放浪誠有道居然惜俄頃

楊道孚

從滎陽呂公哲出遊以職事遽歸道公詩

雨綠霜紅郭外田山濃水淡欲寒天  
參軍抱病陪清賞一檄呼歸亦可憐

王公韶

咏裕老菴前老松

綠皮鏤剝玉嶙峋高節分明似古人  
解與乾坤生氣概幾因風雨長精神  
裝添景物年年別裨闔窮愁日日新

惟有碧霄雲裏月共君孤影最相親

復齋漫錄云王公韶少日讀書於廬山東裕老菴  
菴前有老松因賦此詩王荆公為憲江東過而見  
之大加稱賞遂為知己

寇國寶

字荆山彭城人紹聖四年進士官吳縣主簿

絕句

黃葉西陂水漫流  
蘼蔕風急送扁舟  
夕陽暝色來千里  
人語鷄聲共一丘

練

密

字祐初知旌德縣人元

鳧山廟二首

仙人丹成去不返至今廟貌留名山  
嗟予俯仰隨羶鎖塵土驅馳止汗顏

雲煙深處路縈紆元是真人舊隱居  
我亦放情丘壑官閒時得命籃輿

張 燾

挽老蘓先生

本朝文物盛西州獨得宗公薦冕旒  
稷嗣草儀書未奏茂陵辭客病無瘳  
一門歆向傳家學二子機雲並舊游

守蜀無因奠尊酒素車應滿古源頭

汪

革字信民

人紹聖四年進士楚州教授召為宗子博士不就者青溪集十卷

寄謝無逸

問訊江南謝康樂溪堂春水想扶疎高談何日看揮麈  
安步從來未當車但得丹霞訪龐老何須狗監薦相如  
新年更勵於陵節妻子同鋤五畝蔬

春日和韻

晏坐黌堂一事無居官蕭散似相如偶違濁酒風前約  
不見繁英雨後疎

歲暮書堂

霜重堦鋪紈風凜肌生粟心莊耳目清思慮無由俗

葉

濤

字致道處州龍泉人舉進士紹聖中掌外制

望舊廬有感

重來舊屋誰為主江令蕭條數獨存不必問人纔識路  
却悲無柳可知門舟車到處成家宅歲月惟驚長子孫  
孤客濫中非得已故交零落與誰論

張

問

字昌言襄陽人進士起家累官秘書監給事中終正議大夫

題睢陽五老會圖

槐庭二老樂堯仁。盛集高年洛水濱。華采具瞻雖禮絕。  
白頭序齒却情親。清閒几席同禪院。山墅巾裘似隱淪。  
樽酒椒香纔過節。池塘草色已催春。白公酣暢吟哦內。  
衛武康強笑語頻。豈獨丹青傳不朽。潛欣風俗欲還淳。  
芝田鶴戲調形健。蓮葉龜游納息勻。商皓寂寥拘小隱。  
漢跡局蹐止家人。莫因氣貌疑丹竈。自有光陰寄大椿。  
復得蕪暮為重客。司馬君實未七十恐遺元爽在編民。神仙可  
學。今方信道術相忘。久益真滿座交歡。祝眉壽羣生五  
福。托鴻鈞。

鄧忠臣

字慎思長洲人熙寧三年進士官至考功卿坐元祐黨廢有玉池集十二卷

邯鄲道中夜行阻風

欲渴懸河雨先號拔木風  
問津龍吠處覓路霓光中  
徒御憂羣盜兒童笑拙翁  
當知步兵哭初不為逋窮

張

鑒

字子厚武進人登進士甲科仕至校書郎崇寧四年卒謚正素先生

送呂子進

雛鷗雲鵬各有程  
匆匆送別未忘情  
恨君不在蓬籠底  
共聽蕭蕭夜雨聲